

青園詩草

四冊之三

青園詩草

遼陽玉書著

姪亨慶編次

姪孫達纂校

重過石氏園

露氣侵衣袂
煙光舊徑猜
閒堦苔蘚護
靜閣晦明開
人去花猶放
春深燕不來
十年前度客
曾共舉金罍
薄醉閒行境
頗適意
不禁鼓掌而歌曰

長養風生物
滋榮雨及時
行沽無量酒
口占率然詩
力健心無已
識真道不迷
樂哉塵境遠
未許盡人知

自妙峰山迴度陰山題壁

俯仰峰千疊依稀天一痕
息肩憑石磴濯足瀉泉根
地僻殘春冷途幽過午昏
人家無幾處古柏護孤村

雪

亂灑毡巾點褐袍
漫漫歸徑勢初豪
玉龍酣戰飛鱗甲
野鶴霄遊振羽毛
清興未闌高燭燦
重寒漸逼夜烏號
晨餐剩有肥羊脯
羣秀圍爐共老饕

又見堦前發一枝故家書劍繼當時漫言庭訓英雄
老天假餘年正未遲

留侯

莫漫議留侯曲衷面不侔半生圖漢績一意在韓讐
豈羨麒麟閣非儕絳灌羞何曾真辟穀斯世更無求

秋夜

客去一無事情怡境自幽鐘聲疎靜夜花氣泛清秋
此際人何似長空月正侔胸中消壘魄無物可生愁

戲題恆敏齋蒲扇

具有王孫風而無紈褱氣崛起少年郎殊與公族異

送梅溪歸盤山

曾聞盤谷罩雲霞

按盤山志主峰雲罩寺雲霞籠罩四時皆然

名利如林

路不奢

去京東僅二百里

爲卜何年開覺路馬蹏終日踏桃

花

梅谿云夾路山桃以萬計上視紅雪漫天落花鋪地沒脛尺許

訪陸前溪題

罷官歸去淡如初苔徑柴關一故廬長歲所需惟用

物消閒不耐檢奇書菜羹蔬食常甘飽野卉凡花不
翦除客到無須過城市盡傾家釀綠浮蛆

少年行示子姪

我自少年時悞在遊俠性老矣未必佳惕惕思歸正
嗟今少年人習俗較前更儀型具面從轉瞬卽方命
務外不思誠每以才華競慣爲道學言不免荒唐行
今欲望兒曹終身戒此病能體嚴父心何啻希賢聖
非求富貴早豈羨功名盛榮身不在此顯親別有證

莫貽畫虎譏莫違責善令書劍免塵封便爲家門慶
乘興題

利劍無煩藉寶裝奇書何必錦成囊凌晨飽食資遊
興薄暮微醺試睡方吐鳳故交多老去騰蛟新進復
翱翔春風桃李曾懽賞松菊盈堦晚更香

題恆敏齋廬

幽棲隨意足用物外皆空蔽體屋三架無名花幾叢
雞豚由性分禾黍仰天功帝力於何有台然見古風

示子姪

丙申

鼎盛年華七尺軀升堂有路啟前途長風好許追宗
慤奮志無容後老蘇爭忍賤售同燕玉不因沈睡幸
驪珠盤根錯節終期用利器於今備也無

過清河

天下車書久輯和古來疆場幾干戈亂山高下籠燕
塞清水東南滙潞河宸苑迴看千樹曉鳳城遙
指五雲多朝宗橋上秋風急三尺龍淵一客過

曉起

我興拭劍琴婦起操砧杵趨庭赴赴男處室纖纖女
但有讀書聲而無交謫語怡然樂自知豈爲人稱許
家塾落成題示子姪

瓦礫荆榛概掃除清風朗月到吾廬人心有會中和
現物欲無牽外誘疎九仞高山終一簣百年長策始
三餘詩書盡爲經邦用漫逞才華賦子虛

望東樓望雨

一啟東樓望空濛細雨天人家煙樹裏釣艇水雲邊
羽重纔歸燕寒生漸觸綿老農多厚望蓑笠且芸田
題數語於 皇極經世書後

有據方推歷無徵僅見星世終凡幾數天外復何形
大局休穿鑿詳求屬杳冥聖賢觀達化未屑計畸零

偶題

丙申
歲

江海有盡期學行無足處萬事總無權一心誠有據
人負迴天功終愧移山慮持人最爲難今古漫輕覷

送春

山村水郭少塵埃
柳絮楊花撲面來
一任鳥嘯行不得
芒鞋踏破落花苔

送張少卿西席岳晚村赴河陽幕

半爲讀書累殷勤
售緒餘白頭翁似鳥
頰尾客如魚
舊跡嘲兒戲新謀慮子虛
此行雖孔道珍重賦征車

偶題

願向旁人問是非
一念在幾微
函書且作閒閒

計韜劍無容赫赫威百歲終懷當世務七旬不笑古
人稀相逢切莫諸生目燕市昂藏一布衣

家塾題示子姪

陋室安居舊業存怡怡兄弟省晨昏趨庭詩禮敢儒
行綴壁弓刀繼將門馬援多方終畫虎景升有子竟
如豚兒曹早借前人鑑樂高明師嚴父恩

趙子俊下第將歸拈五韻

曾從余遊
故有戒詞

幾載秋風困棘闈一肩行李又謀歸文章果出血心

性用舍甯無真是非已外孫山增白眼久羈泮水怨
朱衣問心果負天爵貴斯世何妨知者稀

家居偶題

不放閒心自省躬行年中上境中中孔融尊酒東坡
肉詩不求工故不窮

家塾題示子保慶

耳目朝朝近行藏處處知何須易子教嚴父卽明師

未著金殿陳三策且倖龍門現一斑樂在有親擔事
晚福緣無累讀書閒平生功業辛勤始斯世賢愚義
利閒敬慎擇交謙受益子思師事友顏般

枕上

枕上清宵寂窗中朗月馳安舒纔醒酒輾轉竟成詩
夜氣操存際塵勞晏息時雞鳴人事起利善各孳孳
登土城關題於亭桂

清秋晴日午風前更上峻嶒土阜巔立馬已窮燕塞

地飛鴻初度薊門天金臺舊迹賢名在煙樹曾叨
御筆傳千古車書今混一山川流峙自年年

題某義學

好善希賢事已違百年無復繼前徽畫龍滿壁難期
雨假虎當途慣作威簋簠難憑常染指倉箱有主亦
分肥人言貪吝多無後行見門庭賦式微

慰六姪

滄海桑田幾度秋悠悠斯世任沈浮一門俯仰千金

業二載述邅百事憂拯溺無權惟志奪迴天有力在
人謀西風好鼓鷗鵬翼直上崑崙頂上遊

清河樓上題

滿樓風到動重關欲雨沈沈未雨閒潑墨碧雲垂到
地分明一幅米家山

聞有解禽言者

鸚鵡鸛鵒儘有詞雞談牛語竟能知如何物理人情
事兩耳沈沈總似癡